

Universitätsbibliothek Paderborn

Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ

Ex Vita Domini Jesu, Sanctorumque Gestis In Singulos anni dies mira
facilitate & solertia distributæ ... ; Cum indicibus necessariis

Pars Verna - A Dominica Septuagesimae, ad Dominicam SS. Trinitatis

Haineuve, Julien

Coloniæ Agrippinæ, 1665

De patientia, quæ ita necessaria est ad ferendum fructum, ut nullus
alioquin feratur. Qui timent pruinam, irruet super eos nix. lob. 6. Id est, qui
timent laborem in audiendo Dei verbo, incident in ...

urn:nbn:de:hbz:466:1-44214

Luc. 16. Verbo Dei, ut vel non audiat, vel non creditur. Sic expressè habes in Evangelio, quod inter Christi auditores Illi præcipue qui erant avari, deridebant illum, quia hic terrenorum affectus, quem maximè Christus insectabatur, Christo etiam vel maximè resistebat. En *Matth. 19.* Adolescens tam castus & innocens, ut omnia Dei mandata observaverit, unumque sibi deesse audit à Christo Domino, ut vendat, quæ habet & pauperibus distribuat, ac certò specie se thesaurum in cœlo habiturum; abit tristis nec Christo credit, quia scilicet suis nimium erat effectus rebus. Spinam gerebat in corde, unde illa tristitia suborta est: Et quam spinam voluisset Christus verbo suo avellere, ipsa potius verbum Christi australit; Adeo verum est, quod divitiae velut spinæ suffocant Verbum Dei, & illud præcipue verbum, quod contra ipsas profertur divitias, unde ad reliqua Verba Dei audienda vel credenda nulli mi-

nus idonei, nulli minus parati, min⁹ beneaffetti, quā qui plus & quo affecti sunt suis rebus.

Illud est denique observandum, quod hic dicitur: *Euntes suffocari*, quasi diceretur illos tantum suffocari & perire, qui sequuntur suas cupiditates; Vel potius phrasis est hebreæ & loquendimodus, quo significatur non nisi pedentim & progressu temporis evenire detrimenta illa, quæ commemorata sunt; Unde illud eriam accedit incommodi, ut ea minus advertantur, & quod illi magis eunt, magis suffocantur & pereunt; Quod illi magis progrederuntur, minus regredientur; Quo illi ætate procedent longius, ita & cupiditate, quæ semper magis ac magis incalcit, roboratur & induratur, ut fusæ demonstratur in opusculo: *Lata via perditionis. TV autem ò homo Dei, hac fuge, flectare verò justitiam, pietatem, Fidem, Charitatem, Patientiam, Manjerudianæ.*

DE PATIENTIA QVÆ ITA NECESSARIA EST AD FERENDVM FRVCTVM, UT NULLUS ALIOQUIN FERATUR.

Quod autem in bonam terram, hi sunt, qui in corde bono & optimo, audientes verbum retinent, & fructum afferunt in patientia. *Luc. 8.*

VERITAS PRACTICA.

Qui timent pruinam, irruerunt super eos nix.

Iob. 6.

SENSVS est, quod, qui modicum illuminiunt laborem, qui in audiendo Dei Verbo necessarius est, incident in maiorem: quanto minus pati voluerint, ut reserant fructum, tanto magis patientur ex deficiens fructus.

RATIO EST, quia tanto ijs magis patientur in adversis, quanto minus habebunt virtutis ad ea, quæ occurserint toleranda.

Sed qui metu labore non audierint Verbum Dei, minus habebunt virtutis ad huiusmodi toleranciam.

Ergo ijs tanto magis patientur, quanto minus laborare & pati voluerint: ac proinde ex iis erunt de quibus *Iob*: Qui timent pruinam, irruerunt super eos nix. Quod cum sit ridiculum & insipient, longè latius est laborem illum suscipere; qui in audiendo fructuosè Dei Verbo requiruntur.

Hayneusue Pars 2.

L PUNCTUM.

*E*XHIT qui seminat seminare semen suum, & dum seminat, aliud cecidit secus viam & conculetum est

Legenda iterum esset & accuratius expendenda tota parabola, quæ tota est illustris, tota mirabilis, tota frugifera, tota saluberrima. Nec refugias laborem, qui in legendō & meditando necessarius est; hinc enim primò incepit perditio & jactura Verbi Dei, quod si attentè considerares, omnia alia impedimenta disceceres removere. Quamobrem in id praesertim modò est laborandum, ut agnoscas laborem illum, qui in audiendō & considerando fructuosè Dei verbo desideratur, nullo modo esse fugendum: Quid enim prodest et hunc fugere, cum in alium graviterem incideres, tantoque postea magis patreres ex non auditio Dei Verbo, quanto minus pati voluisses in eo audiendo?

E

Ratio

Ratio, quæ id demonstrat, est evidens: Nam in confessu est apud omnes, quod tanto magis uniusquisque patitur in adversis, quanto minus haber virtutis & gratiarum ad illa toleranda. Sicut enim unicuique virtuti hoc est maximè proprium, ut cum divina gratia, animum nostrum corroboret contra difficultates, quæ occurunt in obiecto, circa quod illa verlatur: ita planè si defit virtus, deerit etiam illud animi robur, quod præstabat; ac proinde debilior ac longe impar eris difficultati tolerandæ; sicque magis patieris, seu in externis illis adversis, quæ occurunt, seu in internis animi commotibus, quæ à virtute virutu opposito excitantur. *Vbi est Timor tuus. Fortitudo tua, Patientia tua, & perfectio viarum tuarum?* Nonne id tunc tibi verius, quam olim Jacobo diceretur?

Hoc est certè, quod quotidiana patet experientia in tam diverso statu hominum, qui adversis premuntur. Unde enim fieri putas, ut unus alio magis labore in calumpnia vel probro aliquo tolerando, nisi quia minus est humilis? Undenam alius paupertatis difficultatem minus libenter suffert, nisi quia minus est amans paupertatis? sic de aliis virtutibus cogita, quatum defectu ita augetur labor, ut hoc pene uno labore animus in adversis, quod virtute carcer, qua aduersa illa facile & jucundè sustineret. Hinc orabat Apostolus, ut det vobis secundum divitias gloriae sua, virtute corroborari, per spiritum eius in interiori homine. Et alibi, In omni virtute confortati secundum potentiam claritatis eius. Quam sapientia de creaturis queritur, quæ justus de nobis quererentur, cum si virtus adesse, nulla creatura obesset; & cum virtus deest, nulla creatura prodest.

fol. 4.

Ephes. 3.
Coloss. 1.

Sap. 8.

II. PUNCTUM.

SED qui metu laboris non audierint, aut non consideraverint Verbum Dei, minus habebunt virtutis ad huiusmodi tolerantiam.

Nam cùm potissimum Verbi Divini fructus sit ipsa virtus, aut quidquid ad eam ducit aut moveret; protectio in se virtute denudant, qui se tali fructu privant. Sic enim de Verbo divino, quod de Sapientia Sapiens; Labores huius magnas habent virtutes; sobrietatem enim & prudentiam docet & justitiam & virtutem, (id est fortitudinem) quibus utilius nihil est in-

vita hominibus. Sicut igitur, qui se privat Sapientia, privaret se eius fructu, qui sunt virtutes commoratae, sic qui se privat fructu Divini Verbi.

Neque verò Verbum Divinum virtutes tantum docet sicut Sapientia, sed cum divina gratia moverit etiam voluntatem ad earum exercitium. Unde dicitur *ignitum Dei eloquiu Ps. 118.* vehementer. Et Nonne cor nostrum ardens erat *Luc. 14.* in nobis, dum loqueretur in via, & aperiret nobis Scripturas? Est præterea gladius ille, qui virtuti obstauria quæque penumpit, de quo Apostolus, *Et gladius spiritus, quod est Verbum Dei. VIVUS est enim Sermo Dei & efficax, & penetrabilior omni gladio anticipi.* Hoc ita uteatur sancti, sicut expreſſe refert S. Hieronymus de sancta Paula, ut ad unamquamque occasionem virtutis exercenda, paratam haberent Scripturæ divinæ sententiam, aut Verbum aliquod, quo velut iplo Deo jubente vel monente moverentur, sicque Clypeo fidei & Gladio spiritus simus armati contra spirituallia n. quæ invicti stabant. Hic est itaque Verbi Divini fructus, virtutem discere & exercere; unde certè erit virtus minor, quo minor Divini verbi fructus. Ah qualis jactura, & quam deploranda! Videsne damnum? sensisse quam grave sit?

III. PUNCTUM.

QUITIMENT ergo pruinam, irruet super eos virga. Id est, qui parvum timent laborem, qui in percipiendo Dei Verbo necessarius est, incident in majorem: quantoque minus pati volunt, ut referant fructum, tanto magis patient ex defectu fructus, quo se privant; quia scilicet se virtute spoliant & illis armis, quibus qui denudantur, nihil sibi superesse sentiunt, nisi vinci & pati. Quam longè igitur ille prudentior, qui non parcit labori debito ad fructum illum colligendum, seu ex meditatione seu ex electione, seu ex piis aliis exercitiis. Et quam bene ait Sapiens, *Impatiens operabitur stultitiam:* Et paulò post, *Qui patiens est, multa gubernatur prudentia;* qui autem impatiens est, exaltat stultitiam suam. Nam dupliger errat impatiens; primò quidem quod dum se putat laborem fugere, incidit in gravorem; deinde verò, quod hic labor, in quæ incidit, non modò sit gravior quantum ad poenam corporis seu temporale damnum; sed etiam,

etiam quantum ad spiritualem animi iacturam, quæ inde multis modis incurrit. Unde idem disertè Sapiens: Qui impatiens est, sustinebit dānum: & cū rapuerit, aliud apponet. Nam si saltē magis laborando, magis merceris, tolerabilis est et labor; sed ipso majori labore minus mereri, quis non deploret?

Quis non agnoscat miserandum illum laborem, quem damnati sic deplorant, lassus in via iniquitatis & perditionis, & ambulatorius vias difficiles. Tum post multa concludunt, Et virtutis nullum signum valuumus ostendere, in malignitate autem nostra consumpti sumus. Verē malignitas, nolle exiguum illum laborem sumere, qui in meditando aut legendo requiritur ad fructum referendum, & in gravorem incidere cum periculo salutis aut perfectionis. Quis ex duobus laboribus non eligeret eum, qui minor est & fructuosis? quis nollet is esse, qui multa redimat modicopreio? Denique audi alium Sapientem, quam praeclarè & aptè ad hæc omnia confirma do Doctrina Christi, pronuntiet: Fili à juventute tua excipe doctrinam, & usque ad canos inveneris Sapientiam: Quasi is, qui arat & seminat, accede ad eam & justine bonos fructus illius. Injice pedem tuum, in compedes illius, & in torques illius collum tuum: Subjice humerum tuum & porta illam, & ne accedens vinculis eius. Investiga illam & manifestabitur tibi, & continens factus ne derelinquas eam. In novissimis enim inveneries requiem in ea, & converteatur tibi in oblationem. Et erunt tibi compedes eius in protectionem fortitudinis, & bajes virtutis, & torques illius in stolam gloriae: decor enim vita est in illa, & vincula illius aeternitatem salvant. Quibus prope similia in fine libri repeatit selectis quibuldam & exquisitis verbis,

Colluctata est anima mea in illa, & in faciendo ib. 35. eam, confirmatus sum. Manus meas extendi in altum, & insipientiam eius luxi. Animam meam direxi ad illam, & in agnitione inveni eam. Pos sedi: cum ipsa cor ab initio: propter hoc non derelinquer.

Videri possunt, quæ ibi plura prosequitur: nec non hæc Veritates & aliae consimiles, quas ex aliis partibus ad Evangelicam parabolam referri est facile.

Sicut discursum nostri intellectus statim faci qui debet affectus voluntatis: ita & affectum effectus seu exequatio.

In 1. parte, die 29. Decembris.

Si quid nos revocat à Doctrina Christi, vel ob id maximè recipienda est.

In 1. parte, Feria 6. infra hebdomadam. 2. post Epiphaniam.

Verbum Dei non reddit vacuum: aut proficit necesse est recipienti vel obfir.

In 3. parte, Feria 2. infra octavam hebdomadam.

Qui non audit, non audietur.

Quibus nos attentiores esse oportet, in his magis obsurdeceimus.

In 3. parte, Dominica undecima.

Quod te imparatum magis reddit ad ferendū fructum, hoc te pauciorem deberet reddere.

Quantò minus puniri timerit infructuosus, tantò jam magis punitus est.

In 3. parte, in fine, ubi de renovatione votorum.

HAC HEBDOMADE, Materia Considerationum & Veritatum comprehendetur illo Sermone, quem Christus Dominus habuit statim à cena cum discipulis facta, usque ad Orationem, quam ibidem in cœnaculo fudit ad Patrem, prout refertur à sancto Joanne. Et quia illo toto sermone, hoc pene unum ver. C. 13. 14. sat argumentum, ut fortis sint Apostoli in persecutionibus tolerandis, eō etiam 15. & 16. præcipue spectabunt Veritates, & iisdem motivis, quæ proponuntur à Christo Domino, innitentur ad hunc finem, ut discamus constantiam in adversis,